

**O‘ZBEKISTON RESPUBLIKASI**  
**OLIY TA’LIM, FAN VA INNOVATSIYALAR VAZIRLIGI**

*60910200 – Davolash ishi bakalavriat ta’lim yo‘nalishining*

***MALAKA TALABLARI***

**Toshkent-2025**



**ISHLAB CHIQUILGAN VA KIRITILGAN:**

Toshkent davlat tibbiyot universiteti

**TASDIQLANGAN VA AMALGA KIRITILGAN:**

O‘zbekiston Respublikasi Oliy ta’lim, fan va innovatsiyalar vazirligining 2025-yil «21» avgust dagi 316 - sonli buyrug‘i bilan.

**JORIY ETILGAN:**

O‘zbekiston Respublikasi Oliy ta’lim, fan va innovatsiyalar vazirligi.

Mazkur Malaka talablari “Oliy ta’lim Davlat ta’lim standarti. Asosiy qoidalar”, “Oliy ta’lim Davlat ta’lim standarti. Oliy ta’lim yo‘nalishlari va mutaxassisliklari klassifikatori”, O‘zbekiston Respublikasi Milliy va tarmoq malaka doiralari (ramkasi), kasbiy standartlar va kadrlar buyurtmachilari takliflariga muvofiq ishlab chiqilgan va rasmiy me‘yoriy-uslubiy hujjat hisoblanadi.

O‘zbekiston Respublikasi hududida Malaka talablarini rasmiy chop etish huquqi O‘zbekiston Respublikasi Oliy ta’lim, fan va innovatsiyalar vazirligiga tegishlidir.

## MUNDARIJA

<b>T/r</b>		<b>bet</b>
<b>1.</b>	<b>Umumiy tavsifi</b> .....	4
1.1.	Qo‘llanish sohasi.....	4
1.1.1.	Malaka talabining qo‘llanishi.....	4
1.1.2.	Malaka talablarining asosiy foydalanuvchilari.....	4
1.2	Kasbiy faoliyatlarining tavsifi .....	4
1.2.1.	Kasbiy faoliyatining sohalari.....	4
1.2.2.	Kasbiy faoliyatining obyektlari.....	4
1.2.3.	Kasbiy faoliyatining turlari.....	5
1.2.4.	Kasbiy vazifalari.....	5
<b>2.</b>	<b>Kasbiy kompetensiyalariga qo‘yiladigan talablar</b> .....	8
2.1.	Kasbiy kompetentsiya toifalari.....	8
2.2.	Kasbiy kompetensiyalarni egallashni ta’minlaydigan fanlar va amaliyotlarga qo‘yiladigan talablar .....	11
2.3.	60910200-Davolash ishi bakalavriat ta’lim yo‘nalishi bo‘yicha ta’lim dasturining tuzilishi .....	12
2.4.	Kvalifikatsiya.....	14
	<b>Biblografik ma’lumotlar</b> .....	15
	<b>Kelishuv varag‘i</b> .....	16

## **1. Umumiy tavsifi.**

60910200 – Davolash ishi ta’lim yo‘nalishi bo‘yicha bakalavrlar tayyorlash kunduzgi ta’lim shaklida amalga oshiriladi. Kunduzgi ta’limda bakalavriat dasturining me‘yoriy muddati 6 yil.

### **1.1. Qo‘llanish sohasi.**

#### **1.1.1. Malaka talabining qo‘llanishi.**

Malaka talabi 60910200 – Davolash ishi ta’lim yo‘nalishi bo‘yicha bakalavr tayyorlovchi barcha tibbiyot oliy ta’lim muassasalari uchun talablar majmuyini ifodalaydi.

#### **1.1.2. Malaka talablarining asosiy foydalanuvchilari:**

Mazkur ta’lim yo‘nalishi bo‘yicha malaka talablari, o‘quv reja va o‘quv dasturlarini ishlab chiqish va yangilash, ular asosida o‘quv jarayonini samarali amalga oshirish uchun mas‘ul hamda o‘z vakolat doirasida bitiruvchilarning tayyorgarlik darajasiga javob beradigan oliy ta’lim muassasalarining boshqaruv xodimlari (rektor, prorektorlar, o‘quv bo‘limi boshlig‘i, dekanlar va kafedra mudirlari) va professor-o‘qituvchilari;

ta’lim yo‘nalishining o‘quv rejasi va o‘quv dasturlarini o‘zlashtiruvchi oliy ta’lim muassasasining talabalari;

bakalavriat bitiruvchilarining tayyorgarlik darajasini baholashni amalga oshiruvchi davlat attestatsiya komissiyalari;

ta’limni boshqarish bo‘yicha vakolatli davlat organlari;

oliy ta’lim muassasalarini moliyalashtirishni ta’minlovchi organlar;

oliy ta’lim tizimini akkreditatsiya va sifatini nazorat qiluvchi vakolatli davlat organlari;

kadrlar buyurtmachilari va ish beruvchi tashkilot va korxonalar;

oliy ta’lim muassasalariga o‘qishga kirayotgan abituriyentlar, ularning otanalari va boshqa manfaatdor shaxslar.

### **1.2. Kasbiy faoliyatlarining tavsifi.**

#### **1.2.1. Kasbiy faoliyatining sohalari:**

sog‘liqni saqlash tizimi muassasalarida, aholi o‘rtasida sog‘lom turmush tarzini targ‘ibot qilish, o‘tkir va surunkali kasalliklarning kelib chiqishi va tarqalishining oldini olish, yuqumli kasalliklarning oldini olish doirasida epidemiya va pandemiyaga qarshi chora-tadbirlarni ishlab chiqish va amalga oshirish, kasalliklarni tashxislash va davolashning zamonaviy usullari, milliy protokollardan hamda dalillarga asoslangan tibbiyotdan keng foydalangan holda bemorlarning tibbiy muammolari bo‘yicha asosiy vazifalarni hal qilish, raqamli texnologiyalardan, jumladan, elektron tibbiy qaydlar va teletibbiyotdan samarali foydalanish, sog‘liqni saqlash tizimining birlamchi bo‘g‘inida tibbiy-ijtimoiy vazifalarni bajarish bo‘yicha kompleks masalalarni yechishni o‘z ichiga oladi.

#### **1.2.2. Kasbiy faoliyatlarining obyektlari:**

Sog‘liqni saqlashning birlamchi tibbiy-sanitariya yordami muassasalari (oilaviy poliklinikalar va ularning filiallari, oilaviy shifokor punktlari).

### **1.2.3. Kasbiy faoliyatlarining turlari:**

- *tibbiy-profilaktik;*
- *tashxislash va davolash;*
- *tashkiliy-boshqaruv;*
- *axborot-tahliliy;*
- *ilmiy-tadqiqot*

### **1.2.4. Kasbiy vazifalari:**

60910200 – Davolash ishi ta’lim yo’nalishi bo‘yicha Milliy malaka ramkasining 6-malaka darajasi hamda bakalavr kasbiy faoliyatlarining sohalari, obyektlari va turlariga muvofiq, bakalavriat bitiruvchisi quyidagi kasbiy vazifalarni samarali bajarishga qodir bo‘lishi lozim:

#### **Tibbiy-profilaktik faoliyatda:**

sog‘lomlashtirish, sanitar-gigiyenik va profilaktik chora-tadbirlar kompleksini mustaqil tarzda ishlab chiqish, muvofiqlashtirish va o‘tkazish;

aholi va bemorlar orasida sog‘lom turmush tarzi ko‘nikmalarini shakllantirish, ularning jismoniy, tibbiy faolligini oshirish;

tibbiy-profilaktika yo‘nalishida qo‘llanilayotgan ilg‘or profilaktik tadbirlarni o‘rganish va amaliyotga tatbiq etish;

tibbiy-profilaktika yo‘nalishida profilaktik chora-tadbirlarni tashkillashtirish bo‘yicha to‘liq hajmdagi zaruriy ko‘nikmalarga ega bo‘lgan yuqori malakali mutaxassis sifatida mustaqil amaliy faoliyatni amalga oshirishni egallash va baholash qobiliyatlariga ega bo‘lishi lozim.

#### **Tashxislash va davolash faoliyatida:**

qabulda va uyda bemorni qabul qilish, anamnez va klinik tekshiruvdan olingan ma’lumotlarni sharhlash, dastlabki hamda differentsial tashxis qo‘yish va ob’ektiv tekshiruv natijalaridan foydalangan holda bemor kasalligini boshqarish rejasini ishlab chiqish;

oilaviy poliklinikada mavjud imkoniyat va sharoitlardan kelib chiqib Davlat byudjeti mablag‘lari hisobidan qoplanadigan tibbiy yordamning kafolatlangan hajmlari ro‘yxatiga muvofiq bolalar va kattalarda o‘tkir va surunkali kasalliklarni oldini olish, tashxislash va davolash;

hayotga xavf solgan holatlarda shifoxonagacha birlamchi tibbiy yordam ko‘rsatish;

bemorlarda kasallikning xavf omillarini baholash, sog‘lig‘ini muhofaza qilish va mustahkamlash, sog‘lom turmush tarzini jismoniy va ruhiy jihatdan saqlash bo‘yicha maslahatlar berish, ratsional va sog‘lom ovqatlanish, oilani rejalashtirish, homilador ayollarga oiv-infektsiyasi hususida, shuningdek homilador, fertil yoshdagi, tuqqan ayollarga chaqaloqni ko‘krak suti bilan boqish, oilani rejalashtirish hamda reproduktiv salomatlik masalalari bo‘yicha maslahatlar berish;

bemorlarni shifoxonaga yotqizilgungacha shifokorlik yordamini ko’rsatish, tor soha mutaxassisini chaqirish yoki bemorlarga tegishli davolash-profilaktika muassasasiga yo’llanma berish;

istalmagan homiladorlikni oldini olish, homilador ayolning antenatal nazorati, tuqqan ayollarda tug’ruqdan keyingi ko’riklarini amalga oshirish;

klirik protokollarga muvofiq skrining tekshiruvlari va taqvimga asosan emlashni tavsiya etish, profilaktik tadbirlarni nazorat qilish;

cheklov choralarini (tibbiy raddiya) joriy etish uchun tibbiy ko’rsatmalarni aniqlash;

yuqumli kasallik, oziq-ovqatdan, o’tkir kasb (professional) zaharlanishi aniqlanganda favqulodda xabarnomani shakllantirish;

tor soha mutaxassislari va boshqa professional guruhlar (ijtimoiy xodim, psixolog va boshqalar), hamshiralarga surunkali yuqumli bo’lmagan kasalliklarga chalingan bemorlarga uzoq muddatli tibbiy yordam ko’rsatishda qatnashish;

surunkali kasalliklar bilan nazoratda turgan bemorlarni doimiy yoki vaqtinchalik yashash joyida va (yoki) muassasada kuzatish va uchlamchi profilaktika tadbirlarini o’tkazish;

shoshilinch va o’tkir holatda murojaat qilgan bemorlarga va birlashtirilgan aholiga shifoxonagacha bo’lgan shoshilinch tibbiy yordami ko’rsatish, tez tibbiy yordamga xabar berish va (yoki) tez tibbiy yordam mashinasida kuzatib borish;

aholiga (bemorlarga) tibbiy rehabilitatsiya muolajalarini tayinlash (fizioterapiya muolajalari, davolovchi jismoniy mashqlar va boshqalar);

aholiga (bemorlarga) klinik protokollarga muvofiq kunduzgi statsionarda davolanish uchun davolovchi muolajalarini tayinlash, nazorat qilish hamda kunduzgi shifoxona tibbiy hujjatlarini yuritish;

surunkali, davolab bo’lmaydigan, progressiv kasalliklarga chalingan bemorlarga palliativ tibbiy yordam ko’rsatish;

mustaqil harakatlana olmaydigan, aqli zaif yoki jismoniy imkoniyati cheklangan (nogiron) aholiga (bemorga) doimiy yoki vaqtinchalik yashash joyida tibbiy yordam ko’rsatish, yuqumli kasalliklar o’choqlarida observatsiya tadbirlarini o’tkazish;

o’rnatilgan tartibda vaqtincha mehnatga layoqatsizlik ekspertizasini o’tkazish va mehnatga layoqatsizlik turg’un holatlarida nogironlikni belgilash uchun tibbiy ijtimoiy ekspertiza komissiyasiga o’z vaqtida yo’llash;

faoliyatidagi barcha jarayonlarni “Elektron sog’liqni saqlash” axborot tizimida o’z vaqtida va to’g’ri qayd etilishini ta’minlash;

sog’lomshtirish tadbirlari bo’yicha dasturlar ishlab chiqish;

aholini (bemorni) laboratoriya va instrumental tekshiruvlarga yuborish;

tibbiy hujjatlar bilan ishlash va o’z faoliyati bo’yicha hisobotlarni shakllantirish hamda taqdim qilish;

davolashning tibbiy va tibbiy bo‘lmagan usullardan foydalanish samaradorligi va xavfsizligini baholash;

kasbiy faoliyatiga yo‘naltirilgan malakasini doimiy ravishda oshirib borish;

yangi bilim va usullarni ishlab chiqish, tarqatish va joriy etishga ko‘maklashish;

maxsus tibbiy axborot va uning manbalarini tanqidiy baholash va qaror qabul qilishda ulardan foydalanish;

barcha tashxislash va davo muolajalarini o‘tkazishda bemorlarning xavfsizligini kafolatlash, samaradorlik, maqsadga muvofiqlik va tejamkorlik tamoyillarini qo‘llash;

tibbiyot brigadasi faoliyatini tashkillashtirish va boshqarish;

tibbiyot brigadasi faoliyatini tashkil qilish, tahlil etish, aholi salomatlik holatini baholash, birlashtirilgan hududning “Salomatlik profili”ni tuzish va uni ijobiy o‘zgarishiga erishishda jamoat tashkilotlari va hamkorlarni jalb etish;

tibbiyot brigadasi a‘zolari faoliyati samaradorligini yaxshilash, faoliyatida ijobiy natijalarga erishgan tibbiyot xodimlarini rag‘batlantirish bo‘yicha tegishli birlamchi tibbiy-sanitariya yordami muassasasi rahbariga takliflar kiritish;

hamkor tashkilotlar bilan birgalikda aholi orasida sog‘lom turmush tarzini shakllantirish, jismoniy faollikni qo‘llab- quvvatlash bo‘yicha ommaviy targ‘ibot tadbirlarini o‘tkazish va qatnashish, “Salomatlik maktabi” faoliyatini amalga oshirish;

biriktirilgan aholi yashaydigan hududda sanitariya va epidemiyaga qarshi keng qamrovli tadbirlarni tashkil etish, aniqlangan yuqumli kasalliklar, zaharlanish, jarohatlanish va favqulodda holatlar to‘g‘risida o‘z vaqtida xabarnoma berish;

“Onalar maktabi” faoliyatini olib borish, bunda yosh onalarni bolalarni ko‘krak suti bilan boqish va oziqlantirish, to‘g‘ri parvarish qilish, o‘sish va rivojlanishini nazorat qilish, chiniqtirish va kasallanishini oldini olishga o‘rgatish;

ayollar va bolalarni ratsional ovqatlantirish, ota-onalar va bolalar o‘rtasida bog‘liqlikni rivojlantirish, oilada bola uchun xavfsiz muhit yaratish, jarohatlar va baxtsiz hodisalarning oldini olish, bolalarda motorika va nutqni rivojlantirishda kechikish va boshqalar bo‘yicha bolaning ota-onasi va parvarishlovchisiga tavsiyalar berish;

yuqumli bo‘lmagan kasalliklar profilaktikasi maqsadida aholi orasida sog‘lom turmush tarzini shakllantirish, aholining shaxsiy gigiena qoidalariga rioya qilish, kun tartibini to‘g‘ri tashkillashtirish, to‘g‘ri ovqatlanish va jismoniy faollikni ta‘minlash, kasalliklar profilaktikasi sohasida bilim va ko‘nikmalarini hosil qilish;

aholiga birlamchi tibbiy-sanitariya yordami ko‘rsatishda bemor huquqining poymol bo‘lmasligini ta‘minlash, shifokor sirini saqlanishiga erishish, hamkasblariga samimiy munosabatda bo‘lish

oilaviy poliklinika hududida bemorlarga hayotni saqlab qolish yoki jiddiy asoratlarni oldini olish uchun darhol tibbiy aralashuvni talab qiladigan holatlarda (bemor oilaviy poliklinika hududida bo‘lganda yoki bemor uchinchi shaxslar

tomonidan olib kelinganda) tez tibbiy yordam brigadasi kelguniga qadar shoshilinch tibbiy yordam ko’rsatish.

**Tashkiliy-boshqaruv faoliyatida:**

sog’liqni saqlashda birlamchi bo’g’ini ishini tashkil qilish va uni boshqarish;  
tibbiy brigadani boshqarish;

bajarayotgan faoliyati bo’yicha ish rejasini tuzish va uni bajarish, nazorat qilish va amalga oshirilgan ishlari natijalarini baholash;

kasbga oid muammolar yechimlarini amaliyotga tatbiq etish, kasbiy faoliyati jarayonida sifatni boshqarish.

**Axborot-tahliliy faoliyatida:**

Demografik ko’rsatkichlarni tahlil qilish va hisobot tayyorlash;

Aholi o’rtasida yuqumli va yuqumli bo’lmagan kasalliklarni uchrashi bo’yicha ma’lumotlarni tahlil qilish va hisobot tayyorlash;

Rejali va tezkor emlash natijalari bo’yicha ma’lumot tayyorlash va taqdim etish.

**Ilmiy-tadqiqot faoliyatida:**

Ilmiy-tadqiqot ishlarini olib borish;

Ilmiy-amaliy seminarlar va konferentsiyalarda ishtirok etish;

Ilmiy-tahliliy ommabop nashrlarda maqolalar bilan qatnashish;

Mavzu bo’yicha ilmiy ma’lumotlarni yig’ish va tahlil qilish;

ilmiy- tadqiqot ishlanmalarini tayyorlash.

**2. Kasbiy kompetensiyalariga qo’yiladigan talablar**

**2.1. Kasbiy kompetensiyalar ro’yxati quyidagi kompetensiya toifalari asosida shakllantriladi:**

Tibbiy bilimlar;

Amaliy ko’nikmalar va klinik fikrlash;

Shaxslararo muloqot va kommunikatsiya;

Etika va empatiya;

Oilaviy shifokorning shaxsiy rivojlanishi;

Uzluksiz kasbiy rivojlanish;

Jamoat salomatligini saqlash.

Kompetensiya toifalari	Kod	Kompetensiya
Tibbiy bilimlar (TB) Tibbiy bilimlarni egallash	TB.1	Odam organizmining tuzilishi va funksiyalari, normal anatomik va fiziologik rivojlanishini bilish (barcha yosh toifalari).
	TB.2	Kasalliklarning qiyosiy tashxisini bilish.
	TB.3	Organizm struktur-funksional o’zgarishlari asosida kasalliklarning xavf omillari, salomatlik determinantlarini (genetika/irsiyat, ijtimoiy-iqtisodiy, psixologik, xulq-atvor omillari va boshqalar) bilish.
	TB.4	Laborator-instrumental tekshiruv usullarini va tahlil qilishni bilish
	TB.5	Dalillarga asoslangan tibbiyot doirasida davolash tamoyillarini bilish

	TB.6	Tanlangan terapiyaning maqsadli asoslarini bilish
	TB.7	Klinik protokollar va tavsiyalar asosida bemorlarga yordam ko’rsatish qoidalarini bilish
	TB.8	Kasalliklarni birlamchi, ikkilamchi va uchlamchi profilaktikasini bilish
	TB.9	Nomedikamentoz davolash asoslarini bilish (sog’lom ovqatlanish, jismoniy faollik, cheki shva semizlik bilan kurashish va b.) va aholiga sog’lom hayot tarzi haqida ma’lumot berishni bilish
	TB.10	Aholining alohida guruhlarida biologik, psixologik, ijtimoiy va xulq-atvor o’zgarishlarini bilish (homiladorlar, imkoniyati cheklangan shaxslar, onkologik bemorlar va boshqalar)
<p><b>Amaliy ko’nikmalar va klinik fikrlash (AK)</b></p> <p>Bemorlarni olib borishda amaliy va diagnostik ko’nikmalarni namoyon qilish</p>	AK.1	Bemorlarning shikoyatlari va anamnezini yig’ish
	AK.2	Bemorlarning ob’ektiv ko’rigini o’tkazish, aniqlangan o’zgarishlarni tahlil qilish (hamma yosh toifalari).
	AK.3	Kasalliklarning qiyosiy tashxisini o’tkazish
	AK.4	Diagnostik (laborator-instrumental) tekshiruv usullarini tavsiya qilish va natijalarini tahlil qilish
	AK.5	rasmiy qabul qilingan kasalliklarni kodlash tizimlari talablariga muvofiq dastlabki va klinik tashxisni shakllantirish
	AK.6	Bemorni olib borish va davolash rejasini tuzish
	AK.7	Kasalliklarga tashxis qo’yish, davolash va reabilitatsiya qilishda “dalillarga asoslangan tibbiyot”ning asosiy tamoyillarini qo’llash
	AK.8	Bemorlarni statsionar davoga shifoxonaga yotqizishdan oldingi bosqichda birlamchi tibbiy yordam ko’rsatish uchun muolajalarni amalga oshirish
	AK.9	Oilaviy poliklinikada keng tarqalgan kasalliklarni oldini olish usullarini qo’llash
	AK.10	Shoshilinch holatda kelgan bemorlarga tibbiy yordam ko’rsatish
	AK.11	Bemorga uning salomatligi va kasallik oqibati haqida ma’lumot berish
	AK.12	O’zRSSV buyruqlari asosida tibbiy hujjatlarni yuritish
	AK.13	Elektron sog’liqni saqlash tizimida ishlash va teletibbiyot xizmatlarini qo’llash
	AK.14	Kasalliklarni skriningini va dispanserizatsiyasini o’tkazish, shuningdek reabilitatsiya usullarini tavsiya qilish
<p><b>Shaxslararo muloqot va kommunikatsiya (ShM)</b></p> <p>Bemorlar, oila, hamkasblar va jamoa a’zolari bilan samarali muloqot</p>	ShM.1	Profilaktika, diagnostika va davolash maqsadlariga erishish uchun bemorga yo’naltirilgan samarali muloqot va shaxslararo muloqot ko’nikmalaridan foydalanishni va namoyish etish.
	ShM.2	Etika me’yorlariga rioya qilgan holda bemorlar va ularning yaqinlariga qo’yilgan tashxis va davolash rejasini aniq tushuntirish
	ShM.3	Bemorlar va ularning oilalariga ma’lumot berish, maslahat berish va o’rgatish

	ShM.4	Jamoada, hamkasblar bilan, boshqa yo’nalishdagi mutaxassislar bilan muloqot qilganda SHM ko’nikmalarini qo’llash
	ShM.5	Bemorlarni davolashda ishni optimallashtirish va qaror qabul qilish uchun raqamli teletibbiyot texnologiyalaridan foydalanish
<b>Etika va empatiya (EE)</b>  Bemorlar va aholi bilan o’zaro munosabatlarning axloqiy tamoyillariga, empatiyaga yo’naltirilgan aholiga xizmat ko’rsatish amaliyoti	EE.1	Jinsi, yoshi, millati, madaniyati, dini, nogironligi, ijtimoiy-iqtisodiy ahvoli va boshqalardan qat’i nazar, teng, xolis munosabatni va hurmatni namoyish etish
	EE.2	Insonparvarlik, empatiya, hamdardlik, sezgirlik va bemorlar va ularning qonuniy vakillariga nisbatan halollik ko’rsatish.
	EE.3	Mustaqillik, maxfiylik, adolat, tenglik va xabardor qilingan rozilikka oid axloqiy tamoyillarga sodiqlikni namoyish qilish.
	EE.4	Bemorning shaxsiy manfaatlaridan ustun bo’lgan ehtiyojlari va ehtiyojlari uchun mas’uliyat ko’rsatish.
<b>Shaxsiy rivojlanish (ShR)</b>  Tibbiy amaliyot uchun muhim bo’lgan shaxsiy va kasbiy rivojlanish uchun zarur bo’lgan ko’nikmalarning namoyon qilish	ShR.1	Shaxsiy kompetentlik doirasida ishlash, o’zining funksional majburiyatlarini bajara olmaslik sabablarini bilish.
	ShR.2	Qarorlarni qabul qilishda hamkasblarda ishonch xissini oshiruvchi ishonch va javobgarlikni namoyon qilish
	ShR.3	Odob-ahloq me’yorlarini bilish, stressni boshqara olish, qaror qabul qilish, o’z imidji ustida ishlash qv nizoli holatlarni boshqara olish.
<b>Uzluksiz kasbiy rivojlanish (UKR)</b>  Uzluksiz kasbiy rivojlanish va malaka oshirishga tarafdorlik va qobiliyatni namoyon etish	UKR.1	Shaxsiy kompetentlik doirasida o’z bilimi, klinik ko’nikmalarini yangilab borish.
	UKR.2	Shaxsiy ehtiyojga ko’ra malakasini oshirish orqali ish samaradorligini oshirish uchun maqsad va strategiyalarni ishlab chiqish
	UKR.3	O’z bilimi va ko’nikmalarini uzluksiz oshirib borish
	UKR.4	Bemorlar va aholiga tibbiy xizmat ko’rsatish uchun xalqaro ilmiy, dalillarga asoslangan bazani, ilmiy tadqiqot natijalarini topish, baholash va qo’llash
	UKR.5	Axborot resurslarida ishlash, yangi bilimlarni tahlil qilish va kasalliklarni tashxislash, davolash, oldini olish protokollari hamda SOM (standart operatsion muolajalar) protokollarini o’z amaliyotiga joriy etish. Dalillarga asoslangan texnologiyalar yoki xizmatlarni tatbiq qilish
<b>Jamoat salomatligi (JS)</b>  Bemorlar va aholiga optimal xizmatni ta’minlash uchun zarur bo’lgan tibbiy yordam ko’rsatish tizimi va sog’liqni saqlashni tashkil etish to’g’risidagi bilimlarni namoyish etish	JS.1	Sog’liqqa ta’sir qiluvchi omillarni, shu jumladan tarkibiy va ijtimoiy determinantlarni, aholi o’rtasida kasalliklar, asoratlar va nogironlikning oldini olishni aniqlash va tegishli vazirlik va idoralarni xabardor qilish.
	JS.2	Sog’liq muammolarini, xavf omillarini, davolash strategiyasini va profilaktika choralarini aniqlash uchun epidemiologiya va biotibbiyot statistikasi tamoyillarini bilish.

	JS.3.	Sog’liqni saqlash tizimida bemorlarni parvarish qilishni muvofiqlashtirish uchun mul’tidistsiplinar jamoada ishlash.
	JS.4	Bemorlar va aholiga tibbiy xizmat ko’rsatish sifati va samaradorligini oshirish uchun tizimli va jamoaviy yondashuvdan foydalangan holda klinik amaliyotni doimiy ravishda takomillashtirishda ishtirok etish.
	JS.5	Bemorlarga yetkaziladigan zararni kamaytirishga qaratilgan xavfsizlik choralarini ko’rish.
	JS.6	Bemorlarga va/yoki aholiga parvarish va xizmat ko’rsatishda moliyaviy va resurs xarajatlarini hisobga olish hamda xavf va foyda nisbatini tahlil qilish.
	JS.7	Profilaktik tadbirlarni integratsiya qilish, kasalliklar haqida ma’lumot berish, sog’lom turmush tarzini targ’ib qilish
	JS.8	Sog’liqni saqlash sohasini moliyalashtirish tizimlari (shu jumladan, Davlat tibbiy sug’urtasi jamg’armasi, kafolatlangan tibbiy xizmatlar paketi) bilan ishlashni bilish.

## 2.2. Kasbiy kompetentsiyalarni egallashni ta’minlaydigan fanlar va amaliyotlarga qo’yiladigan talablar:

Talabalarni kasbiy kompetentsiyalar, bilim va ko’nikmalarni egallashi mantiqiy ketma-ketlikda kiritiladigan majburiy va tanlov fanlarni o’zlashtirish, amaliyotlarni o’tish hamda boshqa o’quv mashg’ulot va akademik vazifalarni bajarish yordamida amalga oshiriladi;

Davolash ishi ta’lim yo’nalishi bo’yicha o’quv rejasidagi majburiy fanlar blokiga bevosita kasbiy kompetentsiyalarni egallashga qaratilgan zarur tayanch bilim va ko’nikmalarni ta’minlaydigan fanlar;

tanlov fanlari blokiga ta’lim yo’nalishi doirasida mutaxassislikdan kelib chiqib, chuqurlashtirilgan qo’shimcha bilim berish, bevosita ixtisosligi uchun zarur kompetentsiyalarni kengaytirishga xizmat qiladigan, shuningdek talabalaning shaxsiy qiziqishlari, ijodiy yondoshuvlari va iqtidorini qo’llab-quvvatlashga qaratilgan fanlar kiritiladi.

Ta’lim yo’nalishi bo’yicha quyidagi amaliyotlar o’tkaziladi:

o’quv tanishuv amaliyoti.

ishlab chiqarish amaliyoti.

bitiruv oldi amaliyoti.

**2.3. 60910200-Davolash ishi bakalavriat ta’lim yo‘nalishi bo‘yicha ta’lim dasturining tuzilishi:**

T.r.	Fanning malakaviy kodi	O‘quv fanlari, bloklar va faoliyat turlarining nomlari	Umumiy yuklama hajmi, soatlarda	Kredit miqdori	Semestri
<b>1.00</b>		<b>Majburiy fanlar</b>	<b>9150</b>	<b>305</b>	
1.01	O‘YT1104	O‘zbekistonning eng yangi tarixi	120	4	1
1.02	FS1204	Falsafa	120	4	2
1.03	DIN1404	Dinshunoslik	120	4	4
1.04	O‘RTO‘TSQ TXT11208	O‘zbek (rus) tili. O‘zbek tilining sohada q‘ollanilishi. Tibbiyotda xorijiy til	240	8	1, 2
1.05	TBUG1106	Tibbiy biologiya. Umumiy genetika	180	6	1
1.06	TK1106	Tibbiy kimyo	180	6	1
1.07	TBF1204	Tibbiy va biologik fizika	120	4	2
1.08	LT1204	Lotin tili va tibbiy terminologiya	120	4	2
1.09	TAT1204	Tibbiyotda axborot texnologiyalari	120	4	2
1.10	AN112312	Odam anatomiyasi	360	12	1, 2, 3
1.11	GS12308	Gistologiya, sitologiya, embriologiya	240	8	2, 3
1.12	BK13408	Biokimyo	240	8	3, 4
1.13	FZ13408	Normal fiziologiya	240	8	3, 4
1.14	MB13408	Mikrobiologiya, virusologiya, immunologiya	240	8	3, 4
1.15	PS1304	Psixologiya	120	4	3
1.16	KAN1504	Klinik anatomiya (Operativ jarrohlik va topografik anatomiya)	120	4	5
1.17	PAN15606	Patologik anatomiya	180	6	5, 6
1.18	PFZ15606	Patologik fiziologiya	180	6	5, 6
1.19	FR15606	Farmakologiya	180	6	5, 6
1.20	GXGTE1406	Gigiyena, harbiy gigiyena. Tibbiy ekologiya	180	6	4
1.21	JSMM1606	Jamoat salomatligi. Marketing, menejment	180	6	6
1.22	TKK1104	Tibbiyot kasbiga kirish	120	4	1

1.23	IKP15608	Ichki kasalliklar propedevtikasi	240	8	5, 6
1.24	IK178910	Ichki kasalliklar	300	10	7, 8, 9
1.25	DV1704	Dermatovenerologiya	120	4	7
1.26	STVFNHAS1704	Sud tibbiyoti. Vrach faoliyatining huquqiy asoslari	120	4	7
1.27	FT1704	Ftiziatriya	120	4	7
1.28	TR1706	Tibbiy radiologiya	180	6	7
1.29	EN1804	Endokrinologiya	120	4	8
1.30	KF11004	Klinik farmakologiya	120	4	10
1.31	NTG11006	Nevrologiya. Tibbiy genetika	180	6	10
1.32	ON1904	Onkologiya	120	4	9
1.33	PNTPS11006	Psixiatriya, narkologiya. Tibbiy psixologiya	180	6	10
1.34	YuKBYuK EPXE1891010	Yuqumli kasalliklar. Bolalar yuqumli kasalliklari. Epidemiologiya, HE	300	10	8, 9, 10
1.35	GXDT11104	Gematologiya, HDT	120	4	11
1.36	KALIM11104	Klinik allergologiya, immunologiya	120	4	11
1.37	SO‘Q11204	Simulyatsion o‘qitish	120	4	12
1.38	AG18906	Akusherlik va ginekologiya	180	6	8, 9
1.39	BKP15606	Bolalar kasalliklari propedevtikasi	180	6	5, 6
1.40	PD17906	Pediatriya	180	6	7, 9
1.41	UX15606	Umumiy xirurgiya	180	6	5, 6
1.42	XK18908	Xirurgik kasalliklar	240	8	8, 9
1.43	TROXDJNX18905	Travmatologiya va ortopediya, HDJ. Neyroxirurgiya	150	5	8, 9
1.44	UR1704	Urologiya	120	4	7
1.45	ANR11004	Anesteziologiya va reanimatologiya	120	4	10
1.46	OTST11006	Otorinolaringologiya va stomatologiya	180	6	10
1.47	OF1904	Oftalmologiya	120	4	9
1.48	OShTKK1111210	Oilaviy shifokorlikda terapiya. Kasb kasalliklari	300	10	11, 12
1.49	OshPN1111207	Oilaviy shifokorlikda pediatriya. Neonatologiya	210	7	11, 12

1.50	OShXBX1111206	Oilaviy shifokorlikda xirurgiya. Bolalar xirurgiyasi	180	6	11, 12
1.51	OshAG1111206	Oilaviy shifokorlikda akusherlik va ginekologiya	180	6	11, 12
1.52	RB11204	Reabilitologiya. Sport tibbiyoti	120	4	12
1.53	TTYo11205	Tez tibbiy yordam	150	5	12
<b>2.00</b>	<b>TF2</b>	<b>Tanlov fanlar</b>	<b>840</b>	<b>28</b>	
2.00		<i>Tanlov fanlar (8 ta fan)</i>	840	28	3, 4, 5, 6, 7, 8, 11, 12
<b>JAMI</b>			<b>9990</b>	<b>333</b>	
		<b>Malakaviy amaliyot</b>	810	27	1, 2, 3, 4, 5, 6, 8, 9, 10, 11
<b>HAMMASI</b>			<b>10800</b>	<b>360</b>	

**2.4. Kvalifikatsiya: Oilaviy shifokor**

## Bibliografik ma’lumotlar

UDK: 002:651.1/7

Guruh T 55

OKS 01.040.01

---

### **Tayanch soʻzlar:**

kasbiy faoliyat turi, kompetensiya, ta’lim yo’nalishi, kasbiy faoliyat obyekti, kasbiy faoliyat jabhasi, bakalavrning asosiy o’quv rejasi va fan dasturlari, profil, o’qib-o’rganish natijalari, o’quv sikli, tibbiy bilim, tibbiy yo’nalishlar, sog’liqni saqlash tizimi, klinika, laboratoriya, amaliy ko’nikmalar, kasallik, davolash muassasalari, profilaktika, davolash usullari, diagnostika, etiologiya, patogenez, morfologiya, gistologiya, rentgenologiya, profilaktika, terapiya.

Ishlab chiqaruvchilar, kelishilgan asosiy turdosh oliy ta’lim muassasalari hamda kadrlar iste’molchilari

**ISHLAB CHIQLILGAN:**

Toshkent davlat tibbiyot universiteti,  
“Sog’liqni saqlash” ta’lim sohasi bo’yicha  
muvofiqlashtiruvchi soha Kengashi raisi,

Rektor  Sh.Boymuradov

2025-yil “ ”



M.O’.

**KELISHILGAN:**

O‘zbekiston Respublikasi  
Oliy ta’lim, fan va innovatsiyalar  
vazirligi huzuridagi Oliy ta’limni  
rivojlantirish tadqiqotlari markazi

Direktor  A.Xoliqov

2025-yil “ ”

M.O’.



O‘zbekiston Respublikasi  
Sog’liqni saqlash vazirligi

Vazir  E.Basitxonova

2025-yil “ ”

M.O’.



O‘zbekiston Respublikasi Sog’liqni  
saqlash vazirligi  
Fan-ta’lim va innovatsiyalar  
boshqarmasi

Boshliq  O’.Ismailov

2025-yil “ ”

M.O’.



Toshkent shahar sog’liqni saqlash  
bosh boshqarmasi

Boshliq  B.Isabekov

2025-yil “ ”

M.O’.

